



---

Broj:  
Sarajevo,

Na osnovu člana 65. stav (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, broj 79/14) i člana 55. stav (2) Poslovnika Doma naroda Parlamentarne skupštine Bosne i Hercegovine („Službeni glasnik BiH“, broj 58/14), Zajednička komisija za evropske integracije je na \_\_ sjednici, održanoj \_\_\_\_\_, utvrdila

***PLAN RADA ZAJEDNIČKE KOMISIJE ZA EVROPSKE INTEGRACIJE  
ZA 2015. GODINU***

***UVOD***

Djelokrug i ciljevi rada Zajedničke komisije za evropske integracije (u daljnjem tekstu: Komisija) određeni su članom 52. Poslovnika Doma naroda („Službeni glasnik BiH“, broj 58/14) i članom 62. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, broj 79/14).

(1) Zajednička komisija za evropske integracije razmatra pitanja koja se odnose na:

- rasprave o općim pitanjima koja se odnose na evropske integracije;
- praćenje izvršavanja prava i obaveza BiH proizašlih iz međunarodnih ugovora koji se odnose na Vijeće Evrope;
- koordiniranje rada komisija Parlamentarne skupštine BiH u vezi s evropskim integracijama i dostavljanje mišljenja, preporuka i upozorenja tim komisijama;
- analiziranje posljedica integracijske strategije za BiH i pripremanje sveobuhvatnih izvještaja;
- razmatranje planova, programa, izvještaja i informacija o Procesu stabilizacije i pridruživanja EU;
- praćenje realizacije strategije pridruživanja, pokretanje inicijative za ubrzanje realizacije strategije pridruživanja u okviru nadležnosti Parlamentarne skupštine BiH;

- nadziranje usklađivanja zakona Bosne i Hercegovine s pravnom tečevinom EU (acquis) kada Komisija stekne uslove za to;
- saradnju sa institucijama u Bosni i Hercegovini (posebno s Direkcijom za evropske integracije), institucijama EU i drugih zemalja u vezi s pitanjima integracije;
- organiziranje prezentacije istraživanja javnog mišljenja o pitanjima integracije, te nadziranje korištenja dodijeljenih sredstava EU;
- održavanje javnog saslušanja u vezi s pitanjima evropskih integracija radi prikupljanja mišljenja i stavova predstavnika civilnog društva, nevladinih organizacija, intelektualaca, kao i vladinih i nevladinih eksperata u određenim oblastima.

(2) Zajednička komisija razmatra i druga pitanja koja su u vezi s evropskim integracijama.

Imajući u vidu utvrđeni djelokrug i ciljeve rada, Plan rada Komisije za 2015. godinu značajno određuju i sljedeći dokumenti:

- Sporazum o stabilizaciji i pridruživanju koji je potpisan 16.7.2008., a i ratificiran u svim zemljama članicama EU. Međutim, još uvijek nije stupio na snagu, ali se očekuje da će stupiti na snagu u junu 2015. godine.

- Izvještaj o napretku Bosne i Hercegovine u 2015. godini. Treba istaći da je Zajednička komisija za evropske integracije u dosadašnjim aktivnostima uvijek razmatrala izvještaje o napretku, te donosila određene zaključke. Također, Zajednička komisija razmatrala je na 18. sjednici, održanoj 14.11.2013., Izvještaj o napretku Bosne i Hercegovine u 2013. godini i konstatala da je, prema posljednjem izvještaju o napretku, ostvaren ograničen napredak, a posebno u vezi s:

- provođenjem presude Evropskog suda za ljudska prava u predmetu Sejdić i Finci;
- uspostavljanjem efikasnog mehanizma koordinacije;
- propisnim funkcioniranjem Vijeća za državnu pomoć;
- uspostavljanjem strukture za decentralizirano upravljanje fondovima EU;
- prijedlozima zakona koji su izrađeni uz podršku EU, a nisu dostavljeni u parlamentarnu proceduru;
- problemima u pripremi sastanaka pododbora PS-a/SSP-a;
- radom koordinacionog odbora institucija za reviziju;
- nepostojanjem institucionalnih mehanizama za saradnju s civilnom društvom;

- nepostojanjem zajedničkih istražnih timova i mehanizama za otkrivanje korupcije;
- usvajanjem statuta Korporacije javnih RTV servisa;
- uspostavljanjem ekonomsko-socijalnog vijeća na državnom nivou;
- rješavanjem graničnih i imovinskih pitanja sa susjedima;
- neusvajanjem strategije za mala i srednja preduzeća;
- neusvajanjem strategije ruralnog razvoja;
- pravnim okvirom i institucionalnim kapacitetima za zaštitu okoliša;
- državnom strategijom u oblasti transporta;
- saradnjom i koordinacijom u oblasti energetskog sektora.

Komisija će i u 2015. godini nastaviti pratiti napredak u navedenim oblastima i insistirati na realizaciji obaveza Vijeća ministara BiH u vezi s procesom integriranja.

## ***PLAN RADA***

### ***APRIL – JUNI***

- Priprema i usvajanje Orijentacionog plana rada Komisije za 2015. godinu;
- Razmatranje Izvještaja o radu Komisije za 2014. godinu;
- Razmatranje Izvještaja Vijeća ministara BiH za 2014. godinu;
- Razmatranje Izvještaja Direkcije za evropske integracije za 2014. godinu;
- Razmatranje Izvještaja o napretku Bosne i Hercegovine u 2014. godini;
- Razmatranje izvještaja, informacija i drugih akata upućenih od ovlaštenih predlagača i dostavljanje mišljenja i izvještaja Predstavničkom domu i Domu naroda Parlamentarne skupštine BiH;
- Razmatranje Izvještaja o stanju provođenja obaveza iz Privremenog sporazuma/ Sporazuma o stabilizaciji i pridruživanju i ostalih aktivnosti na kretanju Bosne i Hercegovine prema članstvu u EU;
- Razmatranje informacije o uspostavljanju i funkcioniranju mehanizma koordinacije u procesu integriranja Bosne i Hercegovine u EU;

- Priprema i učešće na 17. interparlamentarnom sastanku EP - PSBiH, koji će biti održan u maju 2015. godine, u Briselu;
- Razmatranje izvještaja sa sastanaka Privremenog odbora za stabilizaciju i pridruživanje i pododbora uspostavljenih prema odredbama čl. 40.-43. Privremenog sporazuma o stabilizaciji i pridruživanju.

### ***JULI - SEPTEMBAR***

- Razmatranje izvještaja, informacija i drugih akata upućenih od ovlaštenih predlagača i dostavljanje mišljenja i izvještaja Predstavničkom domu i Domu naroda Parlamentarne skupštine BiH;
- Razmatranje informacija u vezi sa Strateškim dokumentom za BiH za IPA II;
- Razmatranje Informacije o uspostavljanju i funkcioniranju mehanizma koordinacije u procesu integriranja Bosne i Hercegovine u EU;
- Razmatranje Izvještaja o stanju provođenja obaveza iz Privremenog sporazuma/ Sporazuma o stabilizaciji i pridruživanju i ostalih aktivnosti u kretanju Bosne i Hercegovine prema članstvu u EU;
- Razmatranje dokumenata i nadzor na trošenjem IPA sredstava;
- Razmatranje izvještaja sa sastanaka Privremenog odbora za stabilizaciju i pridruživanje i pododbora uspostavljenih prema odredbama čl. 40.-43. Privremenog sporazuma o stabilizaciji i pridruživanju/Vijeća za stabilizaciju i pridruživanje, Odbora za stabilizaciju i pridruživanje i pododbora (stupanjem na snagu SSP-a)

### ***OKTOBAR - DECEMBAR***

- Analiza aktivnosti u vezi sa izradom Programa integriranja;
- Razmatranje Informacije o uspostavljanju i funkcioniranju mehanizma koordinacije u procesu integriranja Bosne i Hercegovine u EU;
- Razmatranje izvještaja sa sastanaka Privremenog odbora za stabilizaciju i pridruživanje i pododbora uspostavljenih prema odredbama čl. 40.-43. Privremenog sporazuma o stabilizaciji i pridruživanju/Vijeća za stabilizaciju i pridruživanje, Odbora za stabilizaciju i pridruživanje i pododbora (stupanjem na snagu SSP-a) ;

- Priprema i učešće na 11. sastanku Konferencije parlamentarnih komisija za evropske integracije parlamenata zemalja obuhvaćenih Procesom stabilizacije i pridruživanja Jugoistočne Evrope – COSAP, koji će biti održan u oktobru 2015. godine, u Tirani;
- Priprema i učešće na sastanku Parlamentarnog odbora za stabilizaciju i pridruživanje između BiH i EU, koji će biti održan u novembru 2015. godine, u Briselu;
- Razmatranje Izvještaja o napretku BiH u 2015. godini;
- Razmatranje organizacije i planiranje rada Komisije u 2016. godini s ciljem osiguravanja resursa i unapređenja rada;
- Priprema i izrada izvještaja o radu Komisije u 2015. godini;

### ***OSTALE AKTIVNOSTI***

- Razmatranje dokumenata usvojenih u Evropskom parlamentu koji se odnose na Bosnu i Hercegovinu;
- Razmatranje Izvještaja o stanju provođenja obaveza koje proističu iz Sporazuma o stabilizaciji i pridruživanju i ostalih aktivnosti u kretanju Bosne i Hercegovine prema članstvu u EU;
- Organiziranje sastanaka sa šefom Delegacije EU i specijalnim predstavnikom EU ambasadorom Larsom-Gunnarom Wigemarkom;
- Organiziranje sastanaka s komisijama za evropske integracije zemalja obuhvaćenih Procesom stabilizacije i pridruživanja;
- Organiziranje sastanka s članovima Odbora za evropske poslove Hrvatskog sabora;
- Organiziranje javnih saslušanja u vezi s problemima koji se javljaju na putu evropskog integriranja Bosne i Hercegovine;
- Održavanje tematske sjednice o ekonomskim i socijalnim perspektivama BiH;
- Organiziranje sastanka s predsjedavajućim Vijeća ministara BiH i definiranje modaliteta saradnje i mehanizma koordinacije u procesu evropskog integriranja;
- Uspostavljanje saradnje i organiziranje sastanaka s Komisijom za pitanja Evropske unije Bundestaga;
- Uzvratna posjeta Odboru za evropske integracije Republike Srbije;
- Organiziranje tematske sjednice o borbi protiv korupcije u BiH;
- Organiziranje sastanka s članovima Odbora za evropske integracije makedonskog parlamenta;

- Organiziranje sastanka s članovima Odbora za evropske integracije Parlamenta Albanije;
- Organiziranje sastanka s članovima Odbora za međunarodne odnose i evropske integracije Skupštine Crne Gore;
- Aktivnosti koje će se planirati i realizirati u saradnji s Misijom OSCE-a,
- Organiziranje tematske sjednice o reformi obrazovanja u BiH;
- Razmatranje Informacije o procesu realizacije IPA projekata.

### ***ZAVRŠNE NAPOMENE***

Sadržaj rada i rokovi u ovom planu postavljeni su okvirno. Realno je očekivati korekcije zbog neophodnog usklađivanja s aktivnostima drugih relevantnih tijela i institucija. Moguće je očekivati i aktivnosti koje nisu predviđene, a mogu biti uvrštene u Plan rada Komisije zbog značaja i hitnosti razmatranja.

Treba imati u vidu da je kontinuirana aktivnost Komisije praćenje, analiza i nadgledanje aktivnosti svih relevantnih institucija u procesu pridruživanja EU.

S ciljem blagovremenog ispunjavanja planiranih aktivnosti, Komisija će, između ostalog:

- osigurati kontinuitet redovnog održavanja sjednica;
- osigurati kontinuitet redovnog održavanja sastanaka Parlamentarnog foruma za evropske integracije BiH;
- osnivati potkomisije ili radne grupe kada to bude svrsishodno;
- unaprijediti funkciju nadzora Komisije u skladu s njenim nadležnostima;
- unaprijediti informativnu aktivnost Komisije;
- pojedinačno angažirati članove Komisije;
- saradivati s drugim nadležnim tijelima i institucijama BiH i međunarodne zajednice;
- saradivati sa srodnim komisijama parlamenata u regionu.

Predsjedavajući  
Zajedničke komisije  
Nikola Lovrinović